

起於蕭牆之裏奚問左孟門而右大行左洞庭而
右彭蠡發微子曰天命有德主此四方如輻之拱
轂如柄之會極其砢輦者天與之昌其 砢者天
與之亡且非易之所能壞亦非險之所能藏非愚
之所能弱亦非賢之所能彊故將吞楚也白蛇首
斷於大澤將繼劉也雄雉先雒於南陽龍漿出積
而繫弧隱亡周之語蓐收襲門而天帝貽刑號之
殃人力地利信不能偃植而支仆而皆聽乎彼蒼
故鯨鯢勦解決一死於吻血兕虎闐關踐巍嶽爲
平岡蹂生靈如躡塊斂天下如揚糠其敗也扶目
而折骨其成也頂冕而垂裳由此觀之土地足以均
汴澤而施靈光而已易險非所較賢否亦未可議
也先生曰以易險非所較者固已乖矣以賢否非
議者烏乎可哉客不聞王公設險以守其國有德
則昌者乎地欲得險勢欲參德迫隘卑陋則無以
容萬乘之扈從供百司之廩餼據偏守隅則無以
戢四方之貢職平道理之遠邇撫原中區割宅製
里定八極而奔命正南面而負辰舉天下於康達
力上韉鞮而不敢取貪夫汗縮而不敢睨者恃德之險
也襟馮終南太華之固背負清渭濁河之注搯人